

17 января. Предпразднство Богоявления.

Собор 70-ти ап. Преп. Феоктист

УТРЕНЯ (ПРИХОДСКАЯ)

«Бог Господь»

Тропарь предпразднства Богоявления

Глас 4: Готóвися, Завулóне,/ и красúйся, Неффалíме,/ Иор-
дáне рекó, стáни,/ подымí, взыгрáя, крестítися грядúща
Владýку,/ Веселíся, Адáме с прамáтерию,/ не крýйта себе́,
якоже в раí прéжде,/ íбо, нáги вíдев вы, явíся,/ да облечёт
в пёрвую одéжду:// Христóс явíся, всю тварь хотя́ обно-
вíти. **(Дважды)**

Слáва Отцú, и Сýну, и Святóму Дúху.

Тропарь святых седмидесяти апостолов, глас 3

Апóстоли святíи,/ молíte Мíлостиваго Бóга,/ да
прегрешéний оставлénие// подáст душáм нáшим.

и ны́не, и прíсно, и во вéки векóв. Амíнь.

Тропарь предпразднства Богоявления

Готóвися, Завулóне,/ и красúйся, Неффалíме,/ Иордáне ре-
кó, стáни,/ подымí, взыгрáя, крестítися грядúща Владýку,/
Веселíся, Адáме с прамáтерию,/ не крýйта себе́, якоже в
раí прéжде,/ íбо, нáги вíдев вы, явíся,/ да облечёт в
пёрвую одéжду:// Христóс явíся, всю тварь хотя́ обновíти.

Канон

Песнь 1

17 января. Предпраз. Богоявления, Собор 70-ти ап. Преп. Феоктист

Канон предпразднства Богоявления. Глас 6. На 3.

Ирмос, глас 6: Яко по сѹху, пешешествовав Израиль/ по бѣдне стопами,/ гонителя фараона видя потопляема,// Бѳгу побѣдную песнь поим, вопияше.

Песнь 3

Канон предпразднства Богоявления. Глас 6. На 3.

Ирмос, глас 6: Несть свят,/ якоже Ты, Господи Бѳже мой,/ вознесый рог верных Твоих, Блаже,/ и утвердивый нас на камени// исповѣдания Твоего.

Катавасия

Ирмос, глас 2: На камени мя веры утвердив,/ разширил еси уста моя на враги моя,/ возвеселибоя дух мой, ввсегда пѣти:/ несть свят, якоже Бог наш,/ и несть праведен, паче Тебе, Господи.

Песнь 4

Канон предпразднства Богоявления. Глас 6. На 3.

Ирмос, глас 6: Христос моя сила,/ Бог и Господь, честная Церковь/ боголепно поет, зываючи,// от смысла чиста о Господе празднующи.

Песнь 5

Канон предпразднства Богоявления. Глас 6. На 3.

Ирмос, глас 6: Бѳжиим светом твоим, Блаже,/ утренюющих Ти души любовью озари, молюся,/ Тя вѣдети, Слове Бѳжий,/ Истиннаго Бѳга,// от мрака греховнаго зывающа.

Песнь 6

17 января. Предпраз. Богоявления, Собор 70-ти ап. Преп. Феоктист

Канон предпразднства Богоявления. Глас 6. На 3.

Ирмос, глас 6: Житѣйское море/ воздвизаемое зря напастей
бурею,/ к тихому пристанищу Твоему притек, вопию Ти;/
возведи от тли живот мой,// Многомилостиве.

Катавасия

Ирмос, глас 2: В бездне греховней валяясь,/ неизследную
милосердия Твоего призываю бездну:// от тли, Боже, мя
возведи.

Песнь 7

Канон предпразднства Богоявления. Глас 6. На 3.

Ирмос, глас 6: Росодательну убо пещь содела Ангел/ пре-
подобным отроком,/ халдеи же опаляющее/ веление Божие
мучителя увещая вопити:// благословен еси. Боже отец
наших.

Песнь 8

Канон предпразднства Богоявления. Глас 6. На 3.

Ирмос, глас 6: Из пламене преподобным росу источил еси/
и праведнаго жертву водою попалил еси:/ вся бо твориши,
Христе, токмо еже хотети:// Тя превозносим во вся веки.

Катавасия

Ирмос, глас 2: В пещь огненную ко отроком еврейским
снизшедшаго/ и пламень в росу преложшаго Бога,/ пойте,
дела, яко Господа,// и превозносите во вся веки.

Песнь 9

Канон предпразднства Богоявления. Глас 6. На 3.

Ирмос, глас 6: Бóга челове́ком невозмо́жно ви́дети,/ на Не-
го́же не сме́ют чи́ни А́нгельстии взира́ти./ Тобо́ю же, Все-
чи́стая, яви́ся челове́ком Сло́во воплоще́нно,/ Его́же вели-
ча́юще, // с Небе́сными во́и Тя ублажа́ем.

Катавасия

Ирмос, глас 2: Безнача́льна Родите́ля Сын, Бог и Госпо́дь,/
воплóщся от Дёвы, нам яви́ся,/ омраче́нныя освети́ти, со-
бра́ти расточе́нная, // тем Всепе́тую Богоро́дицу велича́ем.

Хвалитны

Предпразднство Богоявления на 4

Глас 6. На 4: Хвалите́ Его́ на силах Его, /
хвалите́ Его́ по мно́жеству вели́чества Его́.

Его́же глас вопи́ющаго предъявля́ше,/ при́иде Христóс на
стру́й Иорда́нския/ и Предте́чи рече́:/ гряди́, омый Мя
вода́ми,/ крести́ Мя, ны́не снизше́дшаго,/ Ада́ма бо омы́ти
приидо́х от пе́рваго паде́ния. // Благослове́н, явле́йся Бо́же
наш, сла́ва Тебе́.

Стих: Хвалите́ Его́ во гла́се тру́бнем, /
хвалите́ Его́ во псалти́ри и гу́слех.

Высо́ты Небе́сныя ника́коже изсле́дих,/ звезд числó, ниже́
зе́млю изме́рих,/ и ка́ко верху́ Твоему́,-/ Влады́це Предте́ча
рече́,- косну́ся руко́ю?/ Ка́ко же крещу́ Нося́щаго го́рстию
тварь?/ Те́мже зову́ Ти:/ благослове́н, явле́йся Бо́же наш,
сла́ва Тебе́.

Стих: Хвалите́ Его́ в тимпа́не и ли́це, /

хвалите Его во струнах и органе.

Сопрестóлен Отцú и Дúху Сый,/ Ангельскими во́инства
дориношúся,/ но в малем вертéпе, странствуя,/ роди́хся в
Вифлеéме за благоутрóбие./ Тёмже и ны́не десни́цу твою́
Мне взаи́мствуй,/ да отмыю во Мне ми́ра прегрешéния.

Стих: Хвалите Его́ в кимва́лех доброгласных, хвалите Его́ в кимва́лех
воскли́цания. /

Всякое дыха́ние да хва́лит Го́спода.

Потопи́л еси́ иногда́ грех при Но́и,/ сло́вом развёрзый хля́би
Небе́сныя,/ и како́ Тя Иорда́н ви́дев, стерпи́т?/ уже́ бо струю́
отврати́т./ Позна́ Тя тварь вся,/ и аз зову́ Тебе́:/
благословéн, явлéйся Бо́же наш, сла́ва Тебе́.

Слава, глас 6.

Сла́ва Отцú, и Сы́ну, и Свято́му Дúху.

Да испо́лнится О́тчее благоволе́ние:/ приидо́х на зéмлю,
оде́явся в нищету́,/ Не́бо Мне престóл, земля́ же подно́жие,/
тебе́ же вью́ преклоня́ю,/ на сиé бо приидо́х,/ Мене́ крести́,/
во Мне челове́ков очища́юща прегрешéния.

И ныне, глас 6.

и ны́не, и прísно, и во ве́ки веко́в. Ами́нь.

Ты, Изра́иля столпо́м и о́блаком пёрвее световодя́/ и оро-
ша́я в пусты́ни,/ Ты, влады́чествуяй все́ми,/ естество́м
несказанный в ра́бий зрак како́ оде́ялся еси́?/ не прикосну́ся
Тебе́, Огню́ сéно:/ Сам мя крести́,/ аз бо трéбую от Тебе́ очи-
ще́ние прия́ти.

Стихиры на стиховне

Предпразднство Богоявления на 3

Канонарх: Глас 2, Явися Отéческое озарéние славы

Явися Отéческое озарéние славы/ на Иордáнских струях,//
Крещéнием очищáя сквэрну душ нáших.

Стих: Сегó рáди помяну́х Тя, /

от землі Иордáнски и Ермониймски.

Приимі раболéпно, прорóче Иоáнне,/ Избавителя мiра и
кресті Зиждителя// земных на возрождéние.

Стих: Видеша Тя вóды, Бóже, /

видеша Тя вóды и úбояшася.

Прииде Просвещéние,/ Избавлéние явися./ На Иордáн прии-
дите,// снiдемся очiститися и пéти предпразднственная.

Слава, и ныне, глас 2. Слава Отцú, и Сýну, и Святóму Дúху,

и ныне, и прiсно, и во вéки векóв. Амiнь.

Днесь Христóс спасительное челове́ком решéние дáрует,/
душ очищáя сквэрну// огнём Крещéния.

Тропари в конец Утрени

Тропарь святых седмидесяти апостолов, глас 3

Апóстоли святiи,/ моли́те Мiлостиваго Бóга,/ да прегре-
шéний оставлéние// подаст душáм нáшим.

Слава Отцú, и Сýну, и Святóму Дúху, и ныне, и прiсно, и во
вéки векóв. Амiнь.

Тропарь предпразднства Богоявлéния, глас 4

Готóвися, Завулóне,/ и красúйся, Неффалíме,/ Иордáне рекó,
стáни,/ подымí, взыгрáя, крестíтися грядúща Владýку,/ Веселíся,
Адáме с прамáтерию,/ не крýйта себе, я́коже в ра́й прéжде,
и́бо, на́ги вíдев вы, яв́ися,/ да облечёт в пёрвую одéжду:/
Христóс яв́ися, всю тварь хотя́ обновíти.

1-й час

Тропари

Готóвися, Завулóне,/ и красúйся, Неффалíме,/ Иордáне рекó, стáни,
подымí, взыгрáя, крестíтися грядúща Владýку./ Веселíся, Адáме с
прамáтерию,/ не крýйта себе, я́коже в ра́й прéжде,/ и́бо, на́ги вíдев вы,
яв́ися,/ да облечёт в пёрвую одéжду:/ Христóс яв́ися, всю тварь хотя́
обновíти.

Слáва Отцú, и Сы́ну, и Святóму Дúху.

Апóстоли святíи,/ молíте Мíлостиваго Бóга,/ да прегрешéний
оставлéние/ подáст душáм нáшим.

Кондáк предпразднства Богоявлéния, глас 4

Во струя́х днесь Иордáнских быв, Госпóды/ Иоáнну вопиёт:/ не убóйся
крестíти Мя,/ спастí бо приидóх/ Адáма первоздáннаго.